

SOLO

Afl. 1.25

BRIYANDO FUERTE • TRECIENDO CLARIDAD
DIAHUEBS 28 AUGUSTUS 2025

Di Pueblo

Parlamentario Evelyn Wever-Croes
**FRACCION DI MEP NO TA
SOSTENE PRESUPUESTO
SUPLETORIO 2025**



WWW.SOLODIPUEBLO.COM



SOLODIPUEBLO@GMAIL.COM

**Baba ta sin escrupulo
BABA HERDE DI 74 AÑA
CU 4 PENSIOEN MAS UN
SALARIO DI MINISTER
TAMBE A COBRA E
250 FLORIN**



**LEY PA HISA SALARIO
MINIMO : GOBERNANDO
DESDE OPOSICION**



**240RA
MOET RECTI-
FICEREN IN
ZAAK
ENDY CROES**



**Biba bo
Summer
Dream**



scan pa bo
1.200 florin
summer
cash back



THE CASINO AT
STREGIS
ARUBA

Exquisite Bingo
Every Saturday and Sunday at
8:30 AM.
Casino doors open at 7:30 AM.

**\$5,000
in total prizes**

Bingo pre-sale: Every Friday and
Saturday from 3:00 PM - 8:00 PM.
Limited capacity available.

**Attractive Progressive
Jackpot**

For more information, visit the Casino
VIP Desk or call us at +297 281-2374

The Casino at St. Regis Aruba reserves the right to modify
or cancel this promotion at any time.
Must be over the age of 18 years.
The Casino at St. Regis Aruba encourages responsible gaming.

Parlamentario Evelyn Wever-Croes

FRACCION DI MEP NO TA SOSTENE PRESUPUESTO SUPLETORIO 2025 UN PRESUPUESTO CU NO TA TENE SUFICIENTEMENTE CUENTA CU BIENESTAR DI E PUEBLO

ORANJESTAD – Den e ultimo diano tras di lomba, Parlamento a trata e presupuesto supletorio pa aña 2025. Riba su mes esaki no ta un ley complica, un presupuesto supletorio ta trece algun cambio cu gobierno ta premira riba e presupuesto cu ya el a haya aprobacion caba. Parlamentario Evelyn Wever-Croes a expresa cu loke a resalta si durante e reunion aki ta lo siguiente:

Gobierno nobo ta sigui cu maneho di gobierno anterior

Interesante ta cu gran mayoria di e ministernan riba gran mayoria di areanan a indica di ta sigui cu e maneho di Gabinete Wever-Croes I y II, cual ta hopi bon paso esaki ta continuidad y ta muestra cu Gabinete Wever-Croes a goberna bon.

Lamentable si ta e nivel di parlamentarionan di AVP y Futuro durante e reunion, mirando cu tur a ataca e gobierno anterior insinuando cu pa 7 aña largo nan no a haci nada bon pa Aruba. Despues cu nan a critica e gobierno di Gabinete Wever-Croes, e ministernan a indica di ta sigui cu e maneho cu e gobierno anterior tabata hibando, refutando asina e atakenan hopi infantil di parlamentarionan di AVP

y Futuro.

Tin surplus pero toch no ta tene suficientemente cuenta cu costo di bida halto

Den e presupuesto gobierno no ta tene mucho cuenta cu e peso financiero di inflacion. gobierno sa cu tin inflacion y cu costo di bida a aumenta na Aruba. Pero no tin niun plan pa cu esaki. Por ehempel na momento cu Minister Geoffrey Wever bou gobierno di Gabinete Wever-Croes a tuma e decision di hisa e prijs di gas sin cu tin mester, ministerraad e tempo ey a opone. Su reaccion tabata cu e ta minister di economia y ley ta bisa cu e por haci'e. E tempo aki a bise pa bin cu un compensacion, un tipo di subsidio, pa famianan cu no por carga e gasto aki di cual el a nenga y bisa cu e lo bin cune den gobernacion cu AVP. Mientrastanto ta 5 luna caba di cual 2 biaha el a bay Parlamento pa presupuesto y no a bin cu niun compensacion. Esaki ta djis un ehempel, asina tin hopi mas.

A corta 3 miyon florin di salario di maestronan, pa paga salario astronomico na coordinadornan den Bestuurskantoor

Den e presupuesto, ta corta 3 miyon den salario di e docentenan y maestronan. Pero di otro banda a presupuesta millones pa paga e coordinadornan cu ta traha cu nan den Bestuurskantoor di cual nan salario pro medio ta 9000 florin. Esaki sigur no ta aceptabel.

AVP y Futuro a vota contra TUR mocion di MEP sin motibo

Parlamentario Wever-Croes tambe a indica cu fraccion di MEP a presenta 14 mocion di cual tur e parlamentarionan di AVP y Futuro a vota contra sin duna splicacion. E mocionan ta hopi bon hinc den otro y parlamentarionan di MEP lo elabora riba cada un den e siguiente diano.

Di nan banda nan a bin cu un poco mas di 20 mocion cu varios fraccion di MEP a sostene. Esunnan cu fraccion di MEP a bay contra ta paso nan ta contra ley, maneho y tratadonan internacional. Nos ta un partido serio y no por sostene mocionnan contra ley.

“Di nos banda nos a muestra e interes y madures politico paso nos ta traha cu curason pa pais Aruba. A pesar cu nos t a



den oposicion aworaki, nos lo sigui traha na bienestar di e pueblo. A pesar cu nan no a sostene e mocionan, nos lo sigui lucha paso ta bay yega un momento na unda cu nan lo mester sostene nan. Aworaki tin placa, tin un surplus

pues ta momento pa duna bek. Lamentablemente e presupuesto cu AVP/ Futuro a presenta no ta tuma cuenta cu duna bek na esnan mas vulnerabel den comunidad” Parlamentario Wever-Croes a expresa.

Clasificados

SOLODIPUEBLO@GMAIL.COM
CEL. 585 9500

LOTTO TA INTRODUCI UN MIEMBRO NOBO DI INSTACASH “CRAZY WILD CASH”!

ORANJESTAD – Diahuebs 28 di aug, Lotto, e loteria di Aruba, ta contento di por anuncia un integrante nobo “Crazy Wild Cash” den e famia di Instacash cu lo duna bo e oportunidad pa gana placa cash al instante!

Abo ta cla pa gana placa instantaneamente y no mester warda pa sorteo? Desde diabierna 29 di aug Lotto lo trece un adicon mas na e famia di Instacash cu ta yama Crazy Wild Cash.

Con pa hunga:

Bishita bo rebendedo di Lotto preferi y pidi pa e wegá di Crazy Wild Cash desde diabierna awo. Ora bo cumpra e wegá di Crazy Wild Cash, bo ta ricibi un ticket for di bo rebendedo pa e wegá. Riba e ticket bo ta wak diferente number den 3 diferente seccion.

Den e prome seccion, match cualkier di bo numbernan cu cualkier un di e numbernan ganado y gana e premio bou di e number cu bo a match.

Den e segundo seccion, ora cu bo “Wild Number” match cualkier di bo numbernan of cualkier number cu tin den un di e “Money Bag”, bo por gana dobel di e premio cu tin bou di e number cu bo a match.

Den e seccion full abou, match cualkier di e numbernan ganado cu tur dos (2) number den e mesun “Money Bag” y a gana e premio cu tin bou di e “Money Bag” cu bo a match. Cada “Money Bag” ta wordo hunga separa.

E prijs di Crazy Wild Cash ta costa 5 florin pa ticket y bo por gana e premio grandi di 15.000 florin!

Instacash ta dunabo e oportunidad pa hunga bo weganan preferi manera 5X The Cash, 10X The Cash, 20X The Cash, Bingo, Money Tree, Match for Cash, e famia di Instant Jackpot, Tic Tac Cash, Shooting Star, Buckets of Cash, Strike, Stack-O-Cash, High Voltage Cash, Give Me 5, Sevens y

awo Crazy Wild Cash cu ta dunabo e chens pa gana placa al instante! Lotto, E Loteria di Aruba tin diferente wegá, Catochi, Big 4, 1-OFF, Zodiac, Wegá di Number di Korsou di Lotto,

Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos

isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Caribbean Mercantile Bank N.V., a member of the Maduro & Curiel’s Group of banks, in order to accommodate growth and to better service our existing customers, is taking applications for the position of:

Human Resources Relationship Officer

The **Human Resources Relationship Officer** plays a vital role in aligning HR initiatives with the strategic objectives of our organization. In this role, you will serve as a trusted consultant and central point of contact for management on HR-related matters.

As an HR Relationship Officer, you will build collaborative partnerships across the HR function to provide value-added services that support our strategic, tactical, and operational goals. You will work closely with business leaders to define, source, and fulfill workforce needs, ensuring the effective execution of our business strategy.

Key Responsibilities:

- Collaborate with management to align HR strategies with business needs.
- Provide expert consultation on a wide range of HR-related matters.
- Build partnerships across HR functions to enhance service delivery.
- Define and address workforce needs to support organizational objectives.

Professional Requirements:

- Bachelor’s degree in Human Resource Management or Business Administration, or equivalent experience
- 5 to 8 years’ experience in the Human Resources field
- In-depth knowledge of local labor laws and employment regulations.

Candidate Profile:

- **Strong Organizational Skills:** Demonstrated ability to manage a diverse and complex workload, prioritizing tasks effectively, ensuring timely and efficient completion.
- **Project Management Expertise:** Experienced in leading projects with a specific focus on Change Management initiatives, ensuring smooth transitions and successful implementation.
- **Digitally Proficient:** Comfortable leveraging technology and software solutions to optimize HR operations, improve efficiency, and support data-driven insights.
- **Customer-Centric Mindset:** Dedicated to understanding and addressing the needs of colleagues and stakeholders, ensuring exceptional service and satisfaction in all interactions.
- **Exceptional Communication & Interpersonal Skills:** Excellent verbal and written communication skills, adept at building strong relationships with colleagues and stakeholders across all levels of the organization.
- **High Emotional Intelligence:** Demonstrates empathy, self-awareness, and strong interpersonal sensitivity, enabling effective relationship-building, conflict resolution, and thoughtful decision-making.
- **Proactive Work Ethic:** Self-motivated and able to work independently, demonstrating initiative and a strong sense of accountability and ownership.
- **Collaborative Team Player:** A flexible and adaptable attitude, contributing positively to team dynamics and supporting colleagues to achieve common goals.
- **High Integrity & Professionalism:** Consistently displays a strong sense of ethics and professionalism, maintaining confidentiality and trust in all interactions.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities, and where dedication is rewarded by an excellent remuneration package.

Interested applicants can submit their cover letter and resume, accompanied by any other document that might be deemed important, to the attention of the Human Resources Department at: cmbrecruitment@cmbnv.com by Friday, September 5th, 2025.

Parlamentario Evelyn Wever-Croes:

LEY PA HISA SALARIO MINIMO : GOBERNANDO DESDE OPOSICION

	40 ora	42 ora	44 ora	45 ora
Sueldo minimo actual	1.986,20	1.986,20	1.986,20	1.986,20
Sueldo minimo nobo	2007.05	2107.4	2207.75	2257.93
Aumento den florin	+20,85	+121,20	+221,55	+271,73



ORANJESTAD – Diaranson mainta, Parlamento a cuminsa trata e cambio di e ley di sueldo minimo, y ta bai hisa esaki pa tur hende. Esaki ta un proyecto di ley cu Gabinete Wever-Croes a traha hopi duro riba dj’e, y ta gradici Parlamentario di MEP Shailiny Tromp-Lee pa tur esfuerso cu el a haci pa logra esaki. Tambe ex minister Glenbert Croes cu a traha riba e ley aki. Durante gobernacion di Gabinete Wever-Croes I y II a aumenta e sueldo minimo 4 biaha, esaki lo tabata di 5 biaha pero no a alcansa prome cu a sali di gobierno. Sinembargo awor si e ta bai bira un realidad.

TRAYECTO DI E LEY

Na aña 2018 Parlamentario Shailiny Tromp-Lee a tuma e iniciativa pa e ley aki, y a cuminsa cu un serië di ronda di consulta. Pandemia a frena e trabounan, pero despues por a finalisa

e ley. Na aña 2023 ex-minister Glenbert Croes a presenta e ley na ministerraad cu a wordo aproba riba 15 di december 2023. Despues e ley a cana su caminda pa e diferente consehonan di SER y Raad van Advies, y a wordo entrega na Parlamento na comienso di november 2024, cu intencion pa introduci e salario minimo nobo, entrante 1 di januari 2025.

Sinembargo, desde september 2024 oponentenan a tuma poder den Parlamento y no kier a trata e ley. Esaki a perhudica casi 5000 persona cu ta gana sueldo minimo, inhustamente. Fraccion di MEP e aña aki a pone basta presion, y porfin awor e ley a wordo trata den Parlamento. Lamentablemente e reunion a wordo para y no tin fecha nobo ainda.

KICO TA E CAMBIONAN PROPONI?

E sueldo minimo na e momentonan aki ta 1.986 florin y e ta bai subi pa esnan cu ta traha 40 ora pa siman, te na 2.007 florin. Un aumento di 20,85 florin pa luna. Si bo ta traha 42 ora pa siman, e salario minimo lo bira 2.107 florin, e aumento ta 121 florin. Si bo ta traha 44 ora pa siman, e salario minimo lo bira 2.207 florin, e aumento ta 221 florin. Y si bo ta traha 45 ora pa siman, e salario minimo lo bira 2.257 florin, e aumento ta 271 florin.

“Mi ta hopi contento cu e cambionan aki. Mayoria di esnan cu lo bai dilanti den salario ta hende muhe, y esey ta haci mi mas contento ainda. Gobernando desde oposicion cu hopi amor pa Aruba. Mi ta spera cu e reunion wordo yama liher pa nos yuda e casi 5000 mama y tata nan di famia”, lider di Fraccion di MEP Evelyn Wever-Croes a duna di conoce.

BIN YENA BO FORMULARIO “INKOMSTENBELASTING 2024” NA CENTRO DI BARIO PLAYA PABAO

Playa Pabao – Directiva di Centro di Bario Playa Pabao ta habri su porta pa e habitantenan di Playa Pabao y di Aruba en general cu e siguiente servicio: nos ta bay yuda pa procesa e formulario “inkomstenbelasting” pa e aña 2024 riba dialuna 1 di september, diamars 2 di september y diarason 3 di september di 5.00 pm pa 7.00 pm.

Loke bo mester trece ta:

- E formulario cu bo a ricibi di oficina di impuesto 2024
- Bo cedula of rijbewijs
- Resumen di bo salario di aña 2024 y si bo ta casa di bo casa tambe
- Nomber complete y fecha di nacemento di bo yiunan

- Declaracion di gasto di hipoteca y seguro di bida cu ta cubri e hipoteca
- Declaracion di interes personal y di credit card
- Gasto di medico cu AZV no a cubri pa aña 2024
- Declaracion di e scol cu yiu a bay aña 2024 na Hulanda of Merca

Tene cuenta cu nos ta yena un formulario pa persona pues no por bin cu un formulario di un famia, colega of un bisiña y nos ta procesa solamente declaracion personal y no di persona cu tin su propio negoshi.

YEGA Y NOS LO DUNA BO UN MAN

ARUBA BANK TA CELEBRA 100 AÑA CU UN DONACION DI AWG 100,000 NA BAN UNI MAN PA CRIA NOS MUCHANAN

Oranjestad, 27 di augustus, 2025 – Den celebracion di su 100 aniversario, Aruba Bank a anuncia un donacion di AWG 100,000 na Ban Uni Man Pa Cria Nos Muchanan, den cuadro di su 100 Years Legacy Project.

E fundacion, cu ta celebra su 24 aña di servicio, a haci un gran aporte durante decada pa duna un desayuno na miles di mucha riba nos isla. Pa marca e momento special, nan ta lansa un programa nobo cu ta introduci fruta y berdura den un manera

creativo den snacks y cuminda gusta pa mucha, manera “fruit cups”, “yogurt”, “muffins” y “nutricion bars”.

Sharon Fränkel, Managing Director di Aruba Bank, a splica durante e anuncio oficial; “E donacion aki ta mas cu un aporte financiero. E ta un inversion den futuro di Aruba, den salud, educacion y bienestar di nos muchanan.”

Cu e apoyo di Aruba Bank e programa lo segura un generacion mas saludabel.



100 Years Of Superior Experiences

MEGA CAR SALES 2025

22 di augustus – 6 di september

Tur e señalnan cu bo tabata wardando:

On-the-Spot
Approval

0%
Downpayment

Cuminsa paga
te na maart 2026

Financiamiento
te cu 7 aña*



GANA BO AUTO
TE NA BALOR MAXIMO DI AWG 100,000!*

MEGA NIGHT

September 6

5:00 - 9:00 pm

Aruba Bank Camacuri



Scan pa mas informacion

*Condicional Aplicable
Bishita www.arubabank.com/MEGA

Arubabank

PALO DI LUZ A KIMA NA SHIRIBANA



Shiribana - Diamars den oranan di atardi polis y brandweer a bay Shiribana, unda un palo di luz tawata candela.

E palo di luz aki tawata tin algun taira parti abou rond di dje, pa evita autonan reverse dal contra e palo.

Esaki a pega candela y causa basta daño material na e palo di luz, unda cu mester a notifica Elmar mesora.

Brandweer a presenta y den un tempo record a paga e candela y a hala e restonan di e taira pone un banda.

Polis a cera caminda y por a mira un truck di Elmar presenta pa asina cuminsa drecha e daño cu e candela a causa.

Aruba One Happy Island Lions Club ta gradici un y tur: PROYECTO BACK 2 SCHOOL 2025 – UN GRAN EXITO!



Aruba One Happy Island Lions Club a logra un biaha mas ta completa cu gran orguyo su programa Back 2 School, terciendo

sonrisa y oportunidad pa muchanan di famia cu ta den necesidad.

Danki na e apoyo increibel di nos comunidad,

comerciantenan local y amigonan Lions, nos a logra yuda mas cu 50 mucha cu:

- Tas di scol yena cu material escolar – schrift, pen, potlood, gum, linial, slyper, stift, highlighter, map y hopi mas.

- Uniform escolar nobo.

Miembronan di One Happy Island Lions Club a prepara y entrega e tasnan di scol cu hopi alegria, y asina yuda contribui cu muchanan ta cuminsa e aña escolar cla pa siña y bon ekipa pa logra exito.

Un DANKI GRANDI na tur esnan cu a yuda y contribui na e proyecto aki. Hunto nos ta haci un diferencia den bida di nos hubentud y ta traha pa un futuro mas briyante pa Aruba!



Relaciona cu peticion cu a keda drenta cerca nos organisacion, e fin di siman aki miembronan di Oen Happy Island Lions Club lo ta un bes mas na Pricesmart pa recuada fondo pa e muchanan cu ainda tin mester sea tas, uniform y material escolar. Pasa y haci bo donacion of swipe. Esnan cu ta

desea di haci un donacion por haci esaki riba nos cuenta Aruba Bank – Fundacion One Happy Island Lions Club number di cuenta 6005880190, cu e anotacion Proyecto Back 2 School 2025. Por ultimo un danki na Pricesmart pa e cooperacion.

ACCIDENTE CU HOPI DAÑO MATERIAL NA KAMAY



Kamay - Noord, Diamars anochi pa mas o menos 11'or polis a bay pazuid di Yen Yen Bar Restaurant, pa un accidente basta serio.

Na yegada agentenan a topa cu dos auto, un Mercedes-Benz y un Toyota Vitz. E impacto tawata uno duro, mirando con e Mercedes-Benz a klem e Vitz contra un palo di luz.

Ambulance tambe a presenta y a controla un dama cu tawata den e Vitz, e dama tawata mustra ok.

Polis a keda na e sitio



wardando Forensys y move ambos vehiculo for tambe takelwagen pa di caminda.

Parlamentario Endy Croes: Baba ta sin escrupulo

BABA HERDE DI 74 AÑA CU 4 PENSIOEN MAS UN SALARIO DI MINISTER TAMBE A COBRA E 250 FLORIN



Durante reunion publico unda a trata e presupuesto supletorio Parlamentario Endy Croes a haci (1) solo pregunta na Minister Baba Herde. Parlamentario Endy Croes a puntra Baba si e por confirma cu su persona na un edad di 74 aña ricibiendo 4 pensioen mas un salaris di 15 mil pa luna como minister tambe a ricibi Afl.250,- na mei ultimo como 'reparatietoeslag'. Raad van Advies den su conseho a adverti gobierno:

Raad van Advies den su conseho a adverti gobierno cu gobierno ta actuando contra ley artikel 6 y ta ilegal pa hendenan manera Baba Herde cu mas cu (1) pensioen y extra entrada ricibi Al.250,-. 'Reparatie Toeslag' ta pa yuda esnan den necesidad y no miyonarionan chikito manera Baba Herde kende alabes ta of tabata casa cu un abogado. Pues e salario di Baba Herde hunto cu su

casa ta surpasa 40 mil pa luna. 'Raad van Advies' ta splica cu den artikel 6 di e ley di 'Reparatietoeslag' ta stipula cu solamente pensionadonan cu (1) solo pensioen ta bin na remarca pa 'reparatie toeslag'. Tambe artikel b di e Ley ta stipula cu pensionadonan cu tin mas entrada banda di (1) pensioen pero hunto e entradanan aki no ta surpasa Afl.170,- pa luna por bin na remarca. Di acuerdo cu e ley di 'Reparatietoeslag' artikel 6, Baba Herde no tin derecho pa ricibi esaki e aumento di Afl.250,-. Pues gobierno a actua contra ley y Baba ta mas sinberguensa pa tuma esaki. Contesta di Baba Herde durante Reunion Publico: Baba Herde a haci mofa di e pregunta di Parlamentario Endy Croes. Baba a gaba cu e tambe a ricibi Afl.250,- banda di su 4 pensioen y su salario di minister di 15 mil. Aunke Baba Herde ta compronde cu esaki

ta contra ley y 'Raad van Advies' a adverti gobierno den su conseho, Baba den un estilo di chercha ta gradici AVP pa su Afl.250,-. Parlamentario Endy Croes ta contento cu tur esnan cu tin derecho riba

e 'reparatietoeslag' por a ricibi esaki, pero Baba Herde como minister casa cu un abogado mester por compronde ley mihor y duna ehempel como un minister. Parlamentario Endy Croes un biaha mas ta

pidi Baba Herde pa entrega SVB bek e Afl.250,- cu el a ricibi "contra" Ley. Un Minister mester por duna ehempel. Sinberguensa di e Gabinete Mike Eman y Gerlien Croes ta cuminsa desde Minister bay abou.



MAS ORA DEDICA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos SAN NICOLAS BRANCH pa asina sirbi bo miho.

SAN NICOLAS BRANCH

Diasabra 30 di augustus, 2025 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por favor tuma contacto cu nos.

Parlamentario Xiomara Maduro: SI MIKE EMAN MUSTRA MADUREZ DEN MANEHO DI FINANSA PUBLICO, ARUBA NO MESTER DI UN RIJKSWET

Durante e reunion publico pa trata e Prome Cambio di Presupuesto 2025, nos por a scucha con Mike Eman a critica y bisa su desgusto pa locual ta trata e acuerdo di Landspakket entre Aruba y Hulanda.


Parlamentario Xiomara Maduro den su discurso a expresa, “cu ta di spera cu Eman a realisa cu ta danki

na su maneho descabeya di traha debe y deficit pa loco, a laga Aruba sin buffer financiero, y esaki a pone cu den pandemia Aruba mester a acudi na Hulanda pa yudansa y di e manera eynan a duna Hulanda e chens unico pa pone condicionnan politico pa Aruba, manera esun di e Landspakket y e Rijkswet.”

E Parlamentario a sigui bisa cu, “Hulanda ta mira e Rijkswet pa supervision financiero algo pa contra aresta e desasternan manera cu Eman a laga pa Aruba. Nos a demostra madurez den maneho financiero di Aruba, y si e Gobierno aki tambe mustra esey, nos no mester di ningun Rijkswet.”



CHAUFFEUR DI UN KIA RIO A BAHÁ CAMINDA DAL UN SUZUKI MINIVAN STACIONA MAND'E BAY DAL CONTRA UN PILAR DI CAS NA SANTA HELENASTRAAT



Diaranson mainta a drenta informe di un accidente cu hende herida na Santa Helenastraat, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di chauffeur hoben di un Kia Rio bayendo pariba a baha caminda bay dal un Minivan Suzuki manda esaki bay dal riba e pilar di un cas. Debi na e fuerte



impacto e chauffeur a resulta herida herida na su cabes. Na yegada di e ambulans nan a atende e victima na e sitio mes.

REACCION DI EX MINISTER DI CULTURA MADURO RIBA E RAPPORT DI SQS RIBA FUNCIONAMENTO DI DEPARTAMENTO DI CULTURA



E rapport di SQS riba funcionamiento di Departamento di Cultura (DCA) no a “keda scondi.” E ta un rapport traha pa duna e Minister di

Cultura un bista amplio y profesional di kico realmente tabata pasando na DCA.

Basa riba e rapport aki nos a cuminsa tuma e desicionnan necesario pa por cuminsa mehora locual pa hopi aña no tabata bay bon na DCA desde su comienso ora a bin cambio di Instituto di Cultura pa Departamento di Cultura, mas di 45 aña pasa.

Pasonan a wordo tuma y hopi mas mester pasa pa asina DCA por bay sostene e industria creativo di Aruba, como parti di e seis (6) sectornan prometededor



pa diversifica Aruba su economia manera splica den e rapport “A strong and resilient economy 2019-2022.”

“Mi ta spera cu Mike Eman como e Minister di Cultura nobo di Aruba, por sigui traha cu e mesun pasion cu nos a haci esaki pa cultura

di Aruba. E investigacion pa mehoracion na DCA ta haci caba, awo Eman por sigui haci e cambionan necesario na bienestar di Aruba su Cultura y e sector creativo di Aruba,” ta palabranan di ex Minister di Cultura Xiomara Maduro.

24ORA MOET RECTIFICEREN IN ZAAK ENDY CROES

ORANJESTAD – Het Gemeenschappelijk Hof van Justitie heeft op 12 augustus oud-minister van Onderwijs en Sport Endy Croes deels in het gelijk gesteld in zijn zaak tegen nieuwssite 24ora.com. Croes had geklaagd over artikelen waarin stond dat hij en zijn familie zich hadden verrijkt met geld van de stichting Lotto pa Deporte.

Volgens het Hof zijn die passages feitelijk onjuist en schaden ze de eer en goede naam van Croes. De rechters bevelen 24ora daarom om binnen een maand een rectificatie te

plaatsen op de website. In die rectificatie moet worden opgenomen dat Croes nooit strafrechtelijk is veroordeeld en dat de eerdere civiele procedures niet hebben uitgewezen dat hij zichzelf of zijn familie zou hebben verrijkt. Croes mag er zelf voor kiezen de rectificatie wel of niet te laten uitvoeren.

De kwestie vindt haar oorsprong in 2010, toen Croes als directeur van Lotto pa Deporte op non-actief werd gesteld na een kritisch rapport van Ernst & Young. De rechter ontbond zijn arbeidsovereenkomst

wegens “gewichtige redenen”, onder meer omdat er betalingen aan familieleden waren gedaan en er grote bedragen uit de kas verdwenen waren.

Croes vocht dat besluit aan, maar verloor uiteindelijk in hoger beroep en cassatie. Later kreeg hij in een aparte zaak wel gelijk van het Hof dat Ernst & Young onzorgvuldig te werk was gegaan bij het opstellen van het rapport.

Maar 24ora schreef in april 2024 dat het juridisch bewezen zou zijn dat Croes zich had verrijkt met geld van Lotto. Het Hof noemt die formulering onjuist



en beveelt correctie. Een dwangsom is niet opgelegd.

Croes was van september 2021 tot oktober 2024

minister van Onderwijs en Sport in het kabinet Wever-Croes II voor de partij MEP. Tegenwoordig is hij Statenlid op Aruba.

ARUBA HUNTO CU OCHO OTRO PAIS DI CARIBE A LANSA E CARIBBEAN ADAPTIVE SPORTS ALLIANCE, C.A.S.A.



Shardea Official
<shardeacroes@gmail.com>
4:46 PM (25 minutes ago)
to Media, Media, Andreina,
Media, Media, me, Media,
Media,Media,Media,Media,
Tv, Media, Seever/297sports

Aruba hunto cu ocho otro
Pais di Caribe a lansa e
Caribbean Adaptive Sports
Alliance, C.A.S.A.

Diadomingo 24 di

Augustus 2025, a tuma
lugar e lansamento oficial
di Caribbean Adaptive
Sports Alliance (C.A.S.A.)
na Grenada. Ocho pais —
Aruba, Barbados, Grenada,
Guyana, Jamaica, St.
Vincent & Grenadines,
Surinam i Trinidad &
Tobago — a uni nan forsa pa
duna mas poder i visibilidad
na deporte adaptivo den nos
region.
Cu e union aki, C.A.S.A. ta

propone inclusión, acceso
na recurso, training i mas
oportunidad pa atleta
cu limitacion. Su logo ta
simbolisá e spirito di Caribe:
solo, laman, naturalesa, nos
pashon y union.

E lansamento lo ta atendi
pa figura internacional
manera Andrew Parsons,
Presidente di e International
Paralympic Committee
(IPC), i Julio César Ávila,
Presidente di e Americas
Paralympic Committee
(APC), cu ta resalta e balor
mundial di e iniciativa aki.



C.A.S.A. ta un paso histórico
cu ta habri un futuro nobo
pa deporte adaptivo den
Caribe: un cas pa tur,
construi hunto, y trahando
pa un mihor futuro pa
atletanan cu limitacion den
Caribe.

Den e link por wak e
livestream di e lansamento
di C.A.S.A.



FUTBOLISTA A HAYA UN SCOP NA CABES DURANTE WEGA DI FUTBOL

Diadomingo anochi a drenta informe di cu na Compleho Deportivo Frans Figaroa un futbolista a haya un kap na cabes ora un otro futbolista a scop e, mesora a dirigi un ambulans na e sitio. Na yegada di e ambulans nan a atende y a transporte pa hospital ya cu e tabata sangrando y tabata tin dolor na su cabes.



POLIS Y AMBULANS A BAY PA UN DAMA DI 32 AÑA CU A BAY “OFF” COMPLETO BANDA DI LA GRANJA NA ORANJESTAD

Dialuna madruga a drenta informe di cu dilanti La Granja na Oranjestad un dama a bay “off” completo, mesora a dirigi tanto polis como ambulans na e sitio. Na yegada di e patruya a bin compronde cu e dama a djies sak den otro y cay abao. Na yegada di e ambulans nan a atende e dama y a transporte pa hospital.



SOPI DI LETRANAN

COLOURS

B	L	A	C	K	R	P	B	L	Z	Q	I
C	L	N	X	Z	V	I	W	W	A	B	U
B	Q	U	Y	D	K	W	P	Y	X	U	L
L	K	H	E	R	T	B	U	O	E	G	E
F	I	S	L	C	L	B	R	E	D	R	Q
A	M	B	L	I	J	L	P	O	T	E	K
V	O	D	O	P	N	G	L	R	W	E	T
C	O	E	W	H	I	T	E	A	F	N	W
R	F	G	F	G	D	S	Q	N	R	I	R
Q	O	M	K	J	X	O	L	G	A	R	A
M	C	Q	Z	Q	X	M	G	E	D	Y	F
E	Y	V	G	W	B	F	S	D	S	M	X

BLACK

WHITE

BROWN

YELLOW

ORANGE

RED

BLUE

GREEN

PURPLE

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - August 26, 2025

CATACHI Sorteo # 4723 0135 9840 5666 MULTI-X X2 BIG 4 Sorteo # 4723 8661 MULTI-X X2 OFF Sorteo # 2779 2474 ZODIAC Sorteo # 4723 8975 Sagitario LUCKY 3 Sorteo # 1597 794 MULTI-X X5	LOTTO 5 Sorteo # 0x Jackpot 0x Match 4+ 0x Match 4 0x Afl. 12,00 Joker Letter Proximo Jackpot 475.000,-	LOTTO DIA Sorteo # 0x Jackpot 0x Match 4 0x Afl. 8,00 Proximo Jackpot 80.000,-	MEGA Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00 Mega Ball Proximo Jackpot 675.000,-	MEGA Afl. 1.000.000,-	KORSOU Sorteo # QR code
---	---	---	--	---	--

Salida di wega di Instacash

“Instant Jackpot 2”

ORANJESTAD – Diaranson 27 di aug 2025: Lotto, e loteria di Aruba, ta informa cu e wega di Instant Jackpot di 2 florin di Instacash lo sali di mercado diabierna 29 di aug.

Desde dia 29 di aug e wega di Instant Jackpot di 2 florin di Instacash lo sali for di mercado y no lo ta disponibel mas pa wordo cumpra, si bo tin ticket di Instant Jackpot 2 cu no a wordo cobra ainda lo por hasi esaki na cualkier rebendedo di Lotto rond di nos isla.

Instacash ta dunabo e oportunidad pa hunga bo weganen preferi manera 5X The Cash, 10X The Cash, 20X The Cash, Bingo, Money Tree, Match for Cash, e famia di Instant

Jackpot, Tic Tac Cash, Shooting Star, Buckets of Cash, Strike, Stack-O-Cash, High Voltage Cash y Sevens cu ta dunabo e chens pa gana placa al instante!

Lotto, E Loteria di Aruba tin diferente wega, Catochi, Big 4, 1-OFF, Zodiac, Wegan di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganen di Raspa y Gana y Instacash.

Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



NA PALM BEACH UN MUCHA MUHER DI 24 AÑA TA BISA CU NAN LO A BENTA ALGO DEN SU BEBIDA



Diadomingo atardi a drenta informe di un mucha muher di 24 aña tin dolor na pecho y dificultad pa hala rosea na Palm Beach, mesora a dirigi un ambulans na e sitio. Na yegada

di e ambulans e dama a indica cu e ta sinti cu e ta bay desmaya y ta sospecha cu nan lo a benta algo den su bebida. E personal di ambulans a atende e dama na e sitio mes.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

REVANCHA DI AÑA: TAXI BOYS vs BIBA LEKKER!

Calabas/Kudawecha - Diabierna awor, 29 di augustus, cuminsando pa 8'or di anochi, e famosísimo Domino Square Garden, situa net n'e grens entre Calabas y Kudawecha, un biaha mas lo ta e escenario pa otro sambombaso di partido di domino estilo "Fast & Furious"! Si shonnan, diabierna awor nada menos cu e dos finalistanan dje torneo 4 X 4 lo enfrenta otro atrobe den un reto pa determina si biaha pasa ta suerte tabatin den wega, of di berdad e taxistanan t'e Don Gato y e integrantenan di Biba Lekker DT t'e "ratoncito"!

Biaha pasa na mei dje aña aki, e taxistanan di Taxi Boys DT a sa di hunga un wega estilo "kat en muis" cu e integrantenan di Biba Lekker bou guia dje energetico Capitan Trimon, e diseñador di e tactica di "corta coriente"! Den



un bon bataya, Capitan Trimon a sa di tuma un bentaha, pero despues a surgi algun "stoorzenders" gritando nan apoyo absoluto p'e taxistanan, causando dje modo ey cu Capitan Trimon a cuminsa perde su concentracion y dje forma ey e taxistanan a sa di catch e raton cu score di 21 - 17!

E biaha aki, segun "insiders", otro gay lo bay canta den e encuentro aki! Plannan strategico a ser revisa, tacticanan di militancia a wordo diseña di nobo, y asina ey "El Comandante en Jefe" Trimon tin tur cos "in place" p'e taxistanan haya nan "fair share" di golpi! Pues, shonnan, bini un bini tur pa otro bataya monster entre Taxi Boys contra Biba Lekker DT! Manera semper, entrada ta completamente gratis pa publico en general y durante halftime e pasapalonan lo skeiro rond totalmente por nada! Yegaaa!

PA NO DAL TRAS DI AUTO CU A BAY BIRA SU DILANTI ELA PASA NA BANDA Y A DAL UN PEATON!



Diaranson mainta a drenta informe di un accidente cu hende herida

dilanti Anytime Bar & Restaurant na Paradera, mespra a dirigi tanto polis

como ambulans na e sitio. Na yegada di e patruxa a bin compronde cu aki



ta trata di un accidente unda cu e dama chauffeur di un Chevrolet Cavalier pa no bay dal tras di un Toyota MarkX para riba su caminda cu lus di señal

pa bira na man robes a bay pa pas'e na man drechi y a bay dal un peaton herid'e. Na yegada di e ambulans nan a atende e victima y a transporte pa hospital.

5 uso medicinal di e clabo di holo pa salud

E usonan medicinal di e clabo di holo a bin ta probecha for di antigüedad pa promove e bienestar ante cierto enfermedadnan. E ta un specerij, cu ta bin di e mata conoci como *Syzygium aromaticum*, tin componentenan cu ta promove e salud metabolico y digestivo. Si ta bon, su aplicacionnan culinario ta mas extendi rond mundo, tambe a popularisa como remedi natural. Y ta asina, cu aunke hopi no sa, e ta un fuernte importante di tanino, flavonoide, esterol y otro componentenan cu ta mehora e salud.

Usonan medicinal di clabo di holo cu bo mester conoce E clabonan di holo a wordo emplea den e mundo gastronomico como ingrediente pa sasona carni, productonan di panaderia of bebida, entre otro. Ademas hopi a balore pa su cualidadnan aromatico. Sin embargo, awendia nos lo centra riba su propiedadnan medicinal. Na prome luga, nos tin cu destaca cu ta trata di un poderoso estimulante. E ta wordo emplea pa habri e apetit, elimina e gasnan intestinal y combati algun infeccionnan oral. Hasta su extracto y azetanan ta wordo emplea den e formulacion di algun dentrifico y remedinan di odontologia. Bo conoce en detaye e usonan medicinal di e clabo di holo? Nos lo repasa esakinan a continuacion.

1. Remedi pa problemanan digestivo
E specerij aki a wordo usa principalmente pa su efectonan na nivel digestivo, mehorando digestion y gas. Un di e usonan medicinal di e clabo di holo ta



mas importante tin di haber cu e sistema digestivo. Debi na su propiedadnan carminativo y antiinflamatorio, e ta faborerce e alivio di e gasnan y indegestion. Ademas, su extractonan a duna resultadonan positivo den e tratamento di ulcera.

Ingrediente

- 5 clabo di holo
- 1 glas di awa (200 ml)

Preparacion

- Prome, pone un glas di awa herbe.
- Ora cu e alcanza su punto di herbe, agrega e clabonandi holor
- Kita e bebida for di candela y lag'e reposa rond di 10 minuut.
- Una bes cu e tempo aki pasa, filtr'e cu un colado y bebe.
- Tume te cu dos biaha pa dia durante 3 dia sigui.

2. Remedi pa garganta irita
E propiedadnan antimicrobiano di e clabo di holo, por yuda elimina e microorganismonan cu ta incidi den e iritacion di garganta. Si ta bon, no mester consumi'e su so, e ta efectivo ora cu ta mescle cu otro ingredientenan saludabel.

Ingredientes

- 1 telep di clabo di holo mula (5 g)
- 1 cuchara di radijs puro (15 g)



• Honing (15 g)

- Awa lauw (200 ml)

Preparacion

- Combina tur e ingredientenan aki y bashanan den un glas di awa lauw.
- Una bes cu bo obtene e preparacion, bo ta gorgle durante 2 pa 3 minuut.
- Ripiti e remedi aki tur dia te ora cu bo sinti un mehoransa.

3. Remedi pa e salud oral
Epripiedad antimicrobiano di e clabo ta contribui na e mehoracion di e salud oral, e infeccionnan y mal aliento. Entre e usonan medicinal di e clabo di holo, por haya su aplicacionnan den e salud oral. No solamente e ta contribui na detene e crecimiento di e bacterianan cu ta causa enfermedadnan di encia, sinio cu e ta reduci e concentracion di placa y controla como e dolor di djente y halitosis.

Ingrediente

- 2 rama di peterselie
- 3 clabo di holo
- 2 glas di awa (400 ml)

Preparacion

- Na prome luga, herbe e glasnan di awa.
- Una bes cu e yega na su punto di herbemento, agrega e peterselie y e clabonan di holo.
- Reduci e candela y lag'e cushina durante 2

minuut.

- A continuacion, tapa e bebida y spera pa e reposa di 10 pa 15 minuut.
- Finalmente, col'e y realisa enhuage 3 biaha pa dia.

4. Remedi pa cuida e higr
E specerij aki ta contene un substancia activo yama eugenol, cual ta specialmente beneficoso pa e salud hepatico. Su consumo por contribui den e tratamento di e higr vet y e efectonan cu e stress oxidativo ta causa. Es mas, e por ta beneficoso contra e cirrosis hepatico.

Ingrediente

- 5 clabo di holo
- 1 glas di awa (200 ml)
- 1 cuchara di honing (15 g)

Preparacion

- Basha e clabonan di holor den un glas di awa herbi.
- Tapa e bebida y lag'e reposa 10 minuut.

- Despues, filtr'e cu un colado y agrega un cuchara di honing.
- Bebe un biaha pa dia, durante 2 siman sigui.

5. Remedi pa tosamento
Clabo ta reforsa e sistema inmune, pa cual ta resulta interesante den epocanan di verkoud y griep. E ingrediente natural aki tambe ta resulta idoneo pa e tratamiento di tosamento y otro problemanan respiratorio.

Su componente ta yuda combati e virus y bacterianan cu ta afecta e salud pulmonar. Adems, ta yuda refors e sistema inmunitario.

Ingrediente

- 3 clabo di holo
- 1 cub di awa (250 ml)
- Juice di 1/2 lamunchi
- 1 cuchara di honing (15 g)

Preparacion

- Pa cuminsa, herbe e cup di awa
- Despues, agrega e clabonan di holo, e juice di e lamunchi y honing.
- Lag'e reposa pa 10 minuut y despues beb'e.
- Bebe un cup tur anochi prome cu bo drumi, te ora cue sintomanan reduci.

Precaucion!
Si ta bon, e usonan medicinal di e clabo di holo ta destaca entre e specerijnan, no mester ignora cu ta contraindica den casonan special. Mester evita den caso di insuficiencia hepatico. Tambe pashentnan cu e malesa di Crohn, mester abstene di tum'e, como tambe muhenan na estado y lactancia. Den cualkier caso, si bo tin algun duda riba su posibel uso of bo ta tumando remedi, consulta cu bo dokter of farmaceutico pa nan informabo.

UN MUCHA HOMBER A BEBE 6 PILDO DI 2 MG CU MENOS BON INTENCION



Diadomingo atardi ambulans na e sitio. Na menos bon intencion.
a drenta informe di yegada di e patruya a bin
cu un mucha homber compronde cu e mucha
di 26 aña lo a bebe 6 homber cu menos bon
pildo di 2 mg, mesora a intencion a dicidi di
dirigi tanto polis como bebe 6 pildo di 2 mg cu
a transporte cu urgencia
pa hospital.

DUNA DANKI

"DANKI" ta un palabra hopi positivo y rico E ta sigui recarga su mes cu abundancia di aprecio y muestra di satisfaccion y alegria cada dia E ta manda den e echo mas abundancia di amor Den un bos cu no tin mester di usa mas palabra E curason ta papia y rasona E curason ta dirigi su mes Y expresa Con contento e ta cu e carinjo y of fabor ricibi No ta importa con hopi of con grandi na midi E ta lombra y ta notabel den e wowonan bunita cu ta purba mantene su lagrimanan humilde Cu ta luza y inspira pa duna Danki tur biaha despues di cada bendicion regala na bo sin spera y sin nodo di duna algo bek na material Bo curason a dirigi bo mente dirigi bo boca pa a bisa DANKI DIOS pa tur cos y pa hendenan cu nan curason semper ta inspira cu gratitud na abundancia. Un forma bunita di elegancia cu no tur tin'e den nan pa duna un otro Sin preocupa ki sorto Di persona a caba di dun'e Un bon trato, un bon servicio Cu un yamada of un chispa di ariba DUNA DANKI TAMBE TA STIMA Y CUIDA BO BIDA.

Ruthy "Lady Ruth" Augustus 2025

Clasificados

SOLODIPUEBLO@GMAIL.COM
CEL. 585 9500

MASHA DANKI DONANTE!

SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

Prome Minister Mike Eman:

ARUBA COMPLETO POR BIRA UN BIOSFERA



Den presencia di Su Excelencia Gobernador Alfonso Boekhoudt y un grupo grandi di stakeholders, UNESCO a organisa un “Training Workshop for the co-construction of a biosphere reserve in Aruba”, na JOIA Aruba by Iberostar. A habri e sesion cu un discurso optimista di Prome Minister mr. Mike Eman, cu a subraya su vision pa un Aruba cu ta uni crecimiento economico cu proteccion di naturalesa. E reto mas grandi cu Aruba tin pa futuro ta con nos por sigui crece economicamente

y, mes momento proteha nos medio ambiente. Ta obvio cu no por sigui den e rumbo y velocidad cu ta desaroyando Aruba na e momento aki. Mester para keto y reflexiona, y e momento ey ta awo. Aruba no por sigui solamente cu un agenda di crecimiento, pero mester busca un ekilibrio cu ta sirbi pueblo y naturalesa pareu. Premier Eman a subraya cu Gobierno ya a inicia cu dialogo strategico cu e sector hotelero y stakeholdernan den comunidad y a comparti e mensahe di e vision y inspiracion. Un desroyo duradero y sostenibel ta solamente posibel si e ta den harmonia cu nos naturalesa. E vision pa crea algun biosfera rond di Aruba mester expande y idealmente cubri Aruba completo. Aruba por fungi un bes mas como un nacion modelo, un ehempel den Caribe, cu ta muestra con progreso y sostenibilidad por bay man den man. Premier Eman a referi tambe na e legado di Aruba como un Center of Excellence di UNESCO den transicion energetico

sostenible, y a convoca comunidad pa pensa mas leu cu e necesidadnan inmediato. Aruba mester mira mas leu: no solamente kico nos ta desea awe, pero kico nos kier laga atras pa nos pueblo y pa nos isla. Awo ta e momento pa pone nos ambicion personal un banda y traha pa un vision comun pa futuro. Como prueba concreto di esaki, recien Gobierno a anuncia un plan di reforestacion pa planta cien mil mata riba henter Aruba. Universidad di



Wageningen a traha un raport extenso y cu esaki, Gobierno a traha e “blueprint”. Aruba ta para na un crusada: sigui cu e

modelo di crecimiento di pasado, of uni pa crea un legado di sostenibilidad cu lo inspira generacionnan cu ta bin.



Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.